

Stáhtaráđi ášahus

ealliguovdasaš doarjagis, mii máksojuvvo boazodoallojagis 2022/2023

Stáhtaráđi mearrádusa mielde mearriduvvo eana- ja šaddogárdedoalu riikkadási doarjagiid birra addojuvvon lága (1559/2001) 4 §:a 2 momeantta ja 14 §:a 3 momeantta vuodul:

1 §

Heivehansuorgi

Dán ášahusas mearriduvvo dan ealliguovdasaš doarjagis, mii máksojuvvo boazoeaiggádiidda stáhta bušehtas jahkái 2022 eana- ja šaddogárdedoalu riikkadási doarjagii čujuhuvvon ruđain boazodoallolágas (848/1990) oaivvilduvvon boazodoallojagis 2022/2023.

2 §

Doarjaga ohcan

Doarjja máksojuvvo eanadoalu doarjagiid doarjjaguovlluid ja daid suologuovlun lohkkouvvon oasseguovlluid birra addojuvvon stáhtaráđi ášahusa (5/2015) čuvvosis I oaivvilduvvonguovlluin C3 ja C4 bohccuiguin bargi, eana- ja šaddogárdedoalu riikkadási doarjagiid birra addojuvvon lága (1559/2001) 14 §:a 1 momeanttasoivvilduvvon ohcciide. Dállodoallun gehččojuvvo maiddá juogekeahes jápminbeassi.

Doarjaga oazžuma eaktun lea dat, ahte doarjjaoazžu merke bajás iežas jodihan boazodoaluboađuid ja goluid.

3 §

Doarjjadohkálaš ealihanbohccot

Doarjaga sáhtta oazžut, jos dálldollui gullelaš olbmot oamastit boazologahallamiid mielde boazodoallojagi loahpas uhcimustá 80 ealihanbohcco, nugo boazodoallolága 5 §:a 2 čuoggás oaivvilduvvo.

Doarjagii vuoigadahtti bohccuid oamastanvuoigatvuohta ja lohku vuodđuduvvet boazodoallojagis 2021/2022 dahkkojuvvon boazologahallamii. Boazodoallojagi 2021/2022 áigge dahkkojuvvon boazogáppit sáhttet váldojuvvot vuhtii doarjaga miedihettiin.

Doarjja ii máksojuvvo dakko bokte go ealihanbohccuid mearri manná badjel bálgošiid dahje daid osolaččaide mearriduvvon alimus lobálaš ealihanboazologuid. Jos bálgoša ealihanboazolohku manná badjel bálgošiid mearriduvvon alimus lobálaš ealihanboazologu, de dálldoaluid doarjjadohkálaš ealihanbohccuid lohku geahpeduvvo liigebohccuid hárrái seamma gori mielde go dálldoalut oamastit ealihanbohccuid bálgošis. Jos ealihanboazolohku báhcá uhcibun go 1 momeanttas mearriduvvo, de dálldollui sáhtta liikká miedihuvvot doarjja daid loahpaealihanbohccuid logu vuodul, jos dálldoalut leat leamaš ovdal geahpedeami ealihanbohccot uhcimustá 1 momeanttas mearriduvvon mearri.

Doarjja ii máksojuvvo dain ealihanbohccuin, maid osolaš livččii galgan bálgoša dohkkehan jahkásaš njuovvanplánaid mielde njuovvat. Jos dálldoalu ovdalis oaivvilduvvon njuovakeahes

bohccuid lohku lea badjel golbma proseantta ealihanboazologus, de doarjja ii máksojuvvo dállo-
dollui ollege.

4 §

Doarjaga mearri

Doarjaga mearri lea eanemustá 35 euro ealihanbohccos.

5 §

Fápmuiboahhtin

Dát ásahus boahtá fápmui 1 beaivve suoidnemánus 2022, dahje jus riikkabeaivvit dohkkeha
jagi 2022 nuppi lassebušeahta máinnašuvvon áiggi maŋŋeleappos, seammá áigge go bušeahtta
almustahtto Suoma seadahasčoakkáldagas.

Helssegis geassemánu 16 beaivve 2021

Eana- ja meahccedoalloministtar Antti Kurvinen

Ráddádalli virgeolmmoš Juha Vanhatalo